



Na osnovu člana 17. tačka 22. Zakona o Visokom sudskom i tužilačkom vijeću Bosne i Hercegovine („Službeni glasnik BiH”, br. 25/04, 93/05, 48/07, 15/08, 63/23, 9/24 i 50/24), Visoko sudsko i tužilačko vijeće Bosne i Hercegovine je, na sjednici održanoj 18.12.2024. godine, utvrdilo

K R I T E R I J E
za ocjenjivanje rada glavnog tužioca Tužilaštva Bosne i Hercegovine, Federalnog tužilaštva Federacije Bosne i Hercegovine, Republičkog javnog tužilaštva Republike Srpske i Tužilaštva Brčko Distrikta Bosne i Hercegovine

POGLAVLJE I – OPĆE ODREDBE O OCJENJIVANJU

Član 1.
(Predmet)

Kriterijima za ocjenjivanje rada glavnog tužioca Tužilaštva Bosne i Hercegovine, Federalnog tužilaštva Federacije Bosne i Hercegovine, Republičkog javnog tužilaštva Republike Srpske i Tužilaštva Brčko Distrikta Bosne i Hercegovine (u daljnjem tekstu: kriteriji) utvrđuje se ocjenjivač, način ocjenjivanja rada glavnih tužilaca, elementi ocjene rada i evidencije o ostvarenim radnim rezultatima i odsustvima s posla, kao i o ostvarenim radnim rezultatima tužilaštava, te druga pitanja od značaja za ocjenjivanje rezultata rada glavnih tužilaca.

Član 2.
(Svrha ocjenjivanja)

(1) Ocjenjivanje rada glavnih tužilaca iz člana 1. ovih kriterija provodi se u cilju unapređenja upravljanja pravosudnim institucijama, postizanja njihovog efektivnijeg, efikasnijeg i odgovornijeg rada, te jačanja povjerenja građana u pravosudni sistem.

(2) Statističke podatke u postupku ocjenjivanja rada glavnih tužilaca potrebno je koristiti oprezno i uz odgovarajuće sadržajno obrazloženje.

(3) Podaci i informacije prikupljeni prilikom ocjenjivanja rada koristit će se za potrebe komisija, radnih grupa i drugih tijela Visokog sudskog i tužilačkog vijeća Bosne i Hercegovine (u daljnjem tekstu: VSTV BiH).

(4) Pojedinačna ocjena rada glavnog tužioca neće se objavljivati.

Član 3.
(Obim primjene kriterija)

(1) Kriteriji će se primjenjivati prilikom ocjenjivanja rada glavnih tužilaca Tužilaštva Bosne i Hercegovine, Federalnog tužilaštva Federacije Bosne i Hercegovine, Republičkog javnog tužilaštva Republike Srpske i Tužilaštva Brčko Distrikta Bosne i Hercegovine.

(2) Ocjenjivanje rada glavnih tužilaca provodi se svake godine.

Član 4.
(Ocjenjivač)

(1) Ocjenjivanje rada glavnih tužilaca iz člana 1. ovih kriterija vrši VSTV BiH (u daljnjem tekstu: ocjenjivač).

(2) Glavni tužioci obrazlažu svoj izvještaj o radu na sjednici VSTV BiH, nakon čega se pristupa utvrđivanju ocjene rada.

(3) Na ocjenjivanje rada glavnih tužilaca iz člana 3. ovih kriterija shodno se primjenjuju član 4. i 5. Kriterija za ocjenjivanje rada glavnih tužilaca, zamjenika glavnih tužilaca i šefova odjela u tužilaštvima u Bosni i Hercegovini.

Član 5.

(Objektivnost i nepristrasnost)

Ocjenjivač samostalno donosi ocjenu rada na osnovu izvora informacija koji su predviđeni ovim kriterijima i odgovoran je za objektivnost ocjene.

Član 6.

(Elementi ocjene rada)

Glavni tužilac će se ocjenjivati po elementima ocjene rada koji su propisani ovim kriterijima.

POGLAVLJE II – EVIDENCIJE O OSTVARENIM KOLEKTIVNIM RADNIM REZULTATIMA TUŽILAŠTAVA I EVIDENCIJE KOJE SE ODOSE NA ORGANIZACIJU I RUKOVOĐENJE

ODJELJAK A – EVIDENCIJE O OSTVARENIM KOLEKTIVNIM RADNIM REZULTATIMA TUŽILAŠTVA

Član 7.

(Dosije za ocjenjivanje)

Glavni tužioci vode evidencije koje su propisane ovim kriterijima i dostavljaju podatke Odjelu za pravosudnu analitiku i izvještavanje VSTV BiH, koji se odlažu u dosije za svakog od ocjenjivanih glavnih tužilaca. Glavni tužioci su odgovorni za tačnost i istinitost tih podataka.

Član 8.

(Evidencije o ostvarenim radnim rezultatima tužilaštva)

(1) Tužilaštvo Bosne i Hercegovine i Tužilaštvo Brčko Distrikta Bosne i Hercegovine vode godišnju evidenciju o ostvarenoj kolektivnoj orijentacionoj normi i ostvarenom kolektivnom kvalitetu odluka tužilaštva.

(2) Federalno tužilaštvo Federacije Bosne i Hercegovine i Republičko javno tužilaštvo Republike Srpske vode godišnju evidenciju o kolektivnim radnim rezultatima tužilaštva ostvarenim u Posebnom odjelu i Općem odjelu u skladu s Kriterijima za ocjenjivanje rada tužilaca u BiH.

Član 9.

(Evidencija o ostvarenoj kolektivnoj orijentacionoj normi i ostvarenom kolektivnom kvalitetu odluka Tužilaštva Bosne i Hercegovine i Tužilaštva Brčko Distrikta Bosne i Hercegovine)

(1) Evidencija ostvarene kolektivne orijentacione norme tužilaštva sastoji se iz podatka o aritmetičkoj sredini ostvarenih orijentacionih normi, tokom perioda ocjenjivanja, tužilaca tužilaštva u skladu s članom 15. stav (1) ovih kriterija i Pravilnikom o orijentacionim mjerilima za rad tužilaca u tužilaštvima u Bosni i Hercegovini.

(2) Evidencija o ostvarenom kolektivnom kvalitetu optužnica tužilaštva sastoji se iz podatka o ukupnom broju podignutih optužnica svih tužilaca u tužilaštvu tokom perioda ocjenjivanja i broja pravosnažnih rješenja o odbijanju optužnice dostavljenih tužilaštvu u periodu ocjenjivanja.

(3) Evidencija o ostvarenom kolektivnom kvalitetu odluka na maloljetničkom referatu sastoji se iz podatka o ukupnom broju podnesenih prijedloga za izricanje odgojnih mjera ili kazni maloljetničkog zatvora svih tužilaca u tužilaštvu podnesenih u periodu ocjenjivanja i broja prihvaćenih odnosno neprihvaćenih prijedloga dostavljenih tužilaštvu u periodu ocjenjivanja.

(4) Evidencija o kvalitetu naredbi o neprovođenju istraga i naredbi o obustavi istraga sastoji se iz evidencije ukupnog broja ovih odluka i ukupnog broja konačnih rješenja glavnih tužilaca o usvajanju i odbijanju pritužbi na ove odluke.

(5) Podatak o ostvarenom kolektivnom kvalitetu odluka tužilaštva izražava se u vidu procenata, odvojeno za podignute optužnice i za prijedloge za izricanje odgojnih mjera ili kazni maloljetničkog zatvora, kao i naredbi o neprovođenju istraga i naredbi o obustavi istraga, u skladu s članom 15. Kriterija za ocjenjivanje rada tužilaca u Bosni i Hercegovini.

Član 10.

(Evidencija o ostvarenoj kolektivnoj orijentacionoj normi i ostvarenom kolektivnom kvalitetu odluka Posebnog odjela i Općeg odjela Federalnog tužilaštva Federacije Bosne i Hercegovine i Republičkog javnog tužilaštva Republike Srpske)

Federalno tužilaštvo Federacije Bosne i Hercegovine i Republičko javno tužilaštvo Republike Srpske vode evidencije o ostvarenim rezultatima rada Posebnog odjela i Općeg odjela u skladu s Kriterijima za ocjenjivanje rada tužilaca u Bosni i Hercegovini.

ODJELJAK B – EVIDENCIJE KOJE SE ODOSE NA ORGANIZACIJU I RUKOVOĐENJE

Član 11.

(Evidencije u vezi s organizacijom i rukovođenjem radom Tužilaštva Bosne i Hercegovine i Tužilaštva Brčko Distrikta Bosne i Hercegovine)

(1) Tužilaštvo će voditi evidenciju o broju primljenih i riješenih pritužbi na odluke tužilaca u skladu s članom 19. stav (3) Pravilnika o orijentacionim mjerilima za rad tužilaca u tužilaštvima u Bosni i Hercegovini.

(2) Tužilaštvo će voditi evidenciju o broju i strukturi krivičnih djela zaduženih predmeta za svakog tužioca.

(3) Tužilaštvo će voditi evidenciju o svim predmetima u kojima je nastupila zastarjelost.

(4) Tužilaštvo će voditi evidenciju o rješavanju starih predmeta.

(5) Tužilaštvo će voditi evidenciju o pristupu pretresima svakog tužioca pojedinačno.

(6) Tužilaštvo će voditi evidenciju o administrativno-stručnoj podršci koju je imao svaki tužilac.

(7) Tužilaštvo će voditi evidenciju o izdatim obaveznim uputstvima i njihovoj realizaciji, evidenciju o uspostavljenoj i održavanoj saradnji s agencijama za provođenje zakona i drugim organima, evidenciju o održavanju Kolegija tužilaštva i evidenciju o saradnji s medijima radi obavještanja javnosti.

Član 12.

(Evidencije u vezi s organizacijom i rukovođenjem radom glavnog federalnog i glavnog republičkog tužioca)

Tužilaštvo vodi sljedeće evidencije:

- a) evidencije o radu Općeg i Posebnog odjela;
- b) evidencija za rukovođenje Posebnim odjelom i vršenje nadzora nad Općim i Posebnim odjelom, kao i u odnosu na okružna javna odnosno kantonalna tužilaštva.

POGLAVLJE III – ELEMENTI OCJENE RADA GLAVNIH TUŽILACA TUŽILAŠTVA BOSNE I HERCEGOVINE I TUŽILAŠTVA BRČKO DISTRIKTA BOSNE I HERCEGOVINE

Član 13.

(Elementi ocjene rada)

Elementi ocjene rada glavnog tužioca Tužilaštva Bosne i Hercegovine i glavnog tužioca Tužilaštva Brčko Distrikta Bosne i Hercegovine su:

- a) kolektivna orijentaciona norma tužilaštva 15 bodova;
- b) kolektivni kvalitet odluka tužilaštva 15 bodova;
- c) organizacija i rukovođenje radom tužilaštva 40 bodova.

Član 14.

(Kolektivna orijentaciona norma tužilaštva)

(1) Ostvarena kolektivna orijentaciona norma tužilaštva izračunava se kao aritmetička sredina pojedinačno ostvarenih godišnjih orijentacionih normi tužilaca u tužilaštvu, koji su dužni ostvarivati orijentacionu normu.

(2) Na osnovu ostvarene kolektivne orijentacione norme tužilaštva, ocjenjivač će dodijeliti glavnom tužiocu određeni broj bodova, kako slijedi:

- a) do 50% ostvarene kolektivne norme 0 bodova;
- b) 51 – 60% ostvarene kolektivne norme 3 boda;
- c) 61 – 70% ostvarene kolektivne norme 6 bodova;
- d) 71 – 80% ostvarene kolektivne norme 9 bodova;
- e) 81 – 90% ostvarene kolektivne norme 11 bodova;
- f) 91 – 100% ostvarene kolektivne norme 13 bodova;
- g) Više od 100% ostvarene kolektivne norme 15 bodova.

(3) Glavnom tužiocu u tužilaštvu koje nije moglo ostvariti kolektivnu orijentacionu normu zbog nedovoljnog broja predmeta u radu bit će dodijeljeni bodovi na osnovu procenta predmeta u kojima je donijeta tužilačka odluka (procent riješenih predmeta), bez obzira na vrstu tužilačke odluke, u odnosu na broj predmeta u radu u periodu ocjenjivanja, kako slijedi:

- a) do 50% riješenih predmeta 0 bodova;
- b) 51 – 60% riješenih predmeta 3 boda;
- c) 61 – 70% riješenih predmeta 6 bodova;

d) 71 – 80%	riješениh predmeta	9 bodova;
e) 81 – 90%	riješениh predmeta	11 bodova;
f) 91 – 94%	riješениh predmeta	13 bodova;
g) 95 – 100%	riješениh predmeta	15 bodova.

(4) Iz izračuna iz stava (3) ovog člana izuzimaju se KTN predmeti, kao i predmeti koji nisu obuhvaćeni planom rješavanja starih predmeta u tekućoj godini koji nisu riješeni u periodu ocjenjivanja, te predmeti koji nisu mogli biti riješeni s obzirom na vrijeme zaprimanja u tužilaštvo i zakonom propisane rokove za preduzimanje radnji u predmetu.

(5) Ocjenjivač će, prilikom utvrđivanja rezultata rada na osnovu stava (3) ovog člana, u svom izvještaju posebno navesti da je ocjenjivanje rada provedeno u okolnostima nedovoljnog broja predmeta u tužilaštvu, analizirati uzroke nastanka takvih okolnosti i obrazložiti bodovanje prema stavu (3) ovog člana.

Član 15.

(Način računanja ostvarene kolektivne orijentacionu norme tužilaštva)

(1) U evidenciju o ostvarenoj kolektivnoj orijentacionu normi unosi se podatak o aritmetičkoj sredini ostvarenih orijentacionu normi tokom perioda ocjenjivanja za sve nosioce pravosudnih funkcija u tužilaštvu, osim za novoimenovane tužioce, tužioce koji su imenovani u drugu instituciju, odnosno tužioce koji su prestali sa radom iz različitih razloga kao što su: penzionisanje, podnošenje ostavke, smrt, gubitak radne sposobnosti, razrješenje od dužnosti, privremeno ili trajno udaljene od vršenja dužnosti itd., a koji su u periodu ocjenjivanja ostvarili ukupnu godišnju orijentacionu normu u vrijednosti nižoj od 20%.

(2) Pojedinačna ostvarena godišnja orijentaciona norma tužilaca iz stava (1) ovog člana izračunava se u skladu s članom 12. Uputstva za primjenu Pravilnika o orijentacionom mjerilima za rad tužilaca u tužilaštvima u Bosni i Hercegovini.

Član 16.

(Kolektivni kvalitet odluka tužilaštva)

Ostvareni kolektivni kvalitet odluka tužilaštva izražava se kao:

- odnos ukupnog broja podignutih optužnica i broja pravosnažnih rješenja o odbijanju optužnica, i odnos ukupnog broja podnesenih prijedloga za izricanje odgojnih mjera i maloljetničkog zatvora i ukupnog broja prihvaćenih odnosno neprihvaćenih prijedloga;
- odnos ukupnog broja naredbi o neprovođenju istrage i naredbi o obustavi istrage i ukupnog broja konačnih rješenja glavnog tužioca o usvajanju i odbijanju pritužbi na ove naredbe, u ocjenjivanom periodu.

Član 17.

(Kolektivni kvalitet optužnica tužilaštva)

Na osnovu ostvarenog kolektivnog kvaliteta odluka tužilaštva iz člana 16. tačka a) ovih kriterija, ocjenjivač će dodijeliti glavnom tužiocu određeni broj bodova, kako slijedi:

- | | | | |
|-------------------|---|---------------|------------|
| a) preko 10% | nepotvrđenih optužnica, te neprihvaćenih prijedloga | ukupnog broja | 0 bodova; |
| b) od 6,01 do 10% | nepotvrđenih optužnica, te neprihvaćenih prijedloga | ukupnog broja | 4 boda; |
| c) od 3,01 do 6% | nepotvrđenih optužnica, te neprihvaćenih prijedloga | ukupnog broja | 8 bodova; |
| d) od 0,01 do 3% | nepotvrđenih optužnica, te neprihvaćenih prijedloga | ukupnog broja | 12 bodova; |

- e) 0% neprihvaćenih prijedloga
nepotvrđenih optužnica, te ukupnog broja 15 bodova.
neprihvaćenih prijedloga

Član 18.

(Kolektivni kvalitet naredbi o neprovođenju i obustavi istraga)

(1) Kolektivni kvalitet naredbi o neprovođenju istrage i naredbi o obustavi istrage ocjenjuje se na osnovu ukupnog broja ovih odluka koje su donijete u ocjenjivanom periodu i ukupnog broja konačnih rješenja o uvažavanju pritužbi na ove naredbe koja glavni tužilac donese u ocjenjivanom periodu, na sljedeći način:

a) preko 10%	uvaženih pritužbi od ukupnog broja naredbi	0 bodova;
b) od 7,51 do 10%	uvaženih pritužbi od ukupnog broja naredbi	4 boda;
c) od 5,01 do 7,50%	uvaženih pritužbi od ukupnog broja naredbi	8 bodova;
d) od 2,51 do 5%	uvaženih pritužbi od ukupnog broja naredbi	12 bodova;
e) od 0 do 2,50%	uvaženih pritužbi od ukupnog broja naredbi	15 bodova.

(2) Kolektivni kvalitet naredbi o neprovođenju istrage i naredbi o obustavi istrage na predmetima privrednog kriminala, organiziranog kriminala, korupcije i ratnih zločina ocjenjuje se na osnovu ukupnog broja ovih odluka koje su donijete u ocjenjivanom periodu i ukupnog broja konačnih rješenja o uvažavanju pritužbi na ove naredbe koja glavni tužilac donese u ocjenjivanom periodu, na sljedeći način:

a) preko 20%	uvaženih pritužbi od ukupnog broja naredbi	0 bodova;
b) od 10,01 do 20%	uvaženih pritužbi od ukupnog broja naredbi	4 boda;
c) od 6,01 do 10%	uvaženih pritužbi od ukupnog broja naredbi	8 bodova;
d) od 3,01 do 6%	uvaženih pritužbi od ukupnog broja naredbi	12 bodova;
e) do 3%	uvaženih pritužbi od ukupnog broja naredbi	15 bodova.

(3) U broj naredbi tužioca o neprovođenju istrage i naredbi o obustavi istrage ne ubrajaju se naredbe koje tužioci donesu u KTN predmetima (predmeti konkretnog krivičnog djela s nepoznatim počiniocem iz oblasti općeg kriminala).

(4) Ako tužilaštvo nije imalo nijednu pritužbu na donesene naredbe o neprovođenju i obustavi istrage, glavnom tužiocu dodijelit će se 15 bodova.

Član 19.

(Kolektivni kvalitet odluka tužilaštva)

(1) Ostvareni kolektivni kvalitet odluka tužilaštva utvrđuje se na osnovu ostvarenog kolektivnog kvaliteta optužnica i ostvarenog kolektivnog kvaliteta naredbi o neprovođenju i obustavi istraga tako što se ustanovi prosječna vrijednost ostvarenih bodova na osnovu člana 17. i ostvarenih bodova na osnovu člana 18. ovih kriterija.

(2) Rezultati tužilaštva po osnovu ostvarenog kolektivnog kvaliteta odluka boduju se po jednoj od odredaba ovih kriterija koje su navedene u stavu (1) ovog člana ako tužilaštvo u toku perioda ocjenjivanja nije donosilo neke od odluka koje su predviđene u tim odredbama.

(3) Glavnom tužiocu dodijelit će se 15 bodova na osnovu ostvarenog kolektivnog kvaliteta odluka ako nije radio na predmetima koji podliježu provjeri kvaliteta, a radi se o predmetima koji su normirani po Pravilniku o orijentacionim mjerilima za rad tužilaca u tužilaštvima u Bosni i Hercegovini.

Član 20.

(Organizacija i rukovođenje radom tužilaštva)

(1) Organizacija i rukovođenje radom tužilaštva kojim rukovodi glavni tužilac utvrđivati će se na osnovu procjene ocjenjivača, koji će, prilikom ocjenjivanja, uzeti u obzir sljedeće parametre:

- a) izvršenje godišnjeg plana rada tužilaštva donesenog u skladu s članom 6. Pravilnika o orijentacionim mjerilima za rad tužilaca u tužilaštvima u Bosni i Hercegovini do 10 bodova;
- b) u potpunosti izvršen godišnji plan tužilaštva za rješavanje starih predmeta prema članu 6. Pravilnika o orijentacionim mjerilima za rad tužilaca u tužilaštvima u Bosni i Hercegovini do 10 bodova;
- c) osigurani jednaki uslovi za rad svim tužiocima u tužilaštvu u smislu ravnomyernog zaduženja tužilaca predmetima po broju i složenosti/strukturi, kao i ujednačenost administrativno-stručne podrške i ostalih uslova za nesmetan rad tužilaca do 5 bodova;
- d) davanje obveznih uputa zamjenicima glavnih tužitelja, šefovima odjela/odsjeka i tužiteljima i njihova realizacija, te održavanje Kolegija tužiteljstva i odjela/odsjeka do 5 bodova;
- e) organizovanje saradnje s agencijama za provođenje zakona i drugim organima vezanim za rad na predmetima do 5 bodova;
- f) u potpunosti blagovremeno riješene pritužbe na tužilačke odluke do 5 bodova.

(2) Glavnom tužiocu u tužilaštvu koje nema obavezu izrade plana rješavanja starih predmeta dodijelit će se 10 bodova za parametar iz stava (1) tačka b) ovog člana.

(3) Na osnovu realizacije plana rješavanja starih predmeta odnosno predmeta iz akcionog plana za rad na predmetima ratnih zločina iz stava 1 tačka b) ovog člana, glavnom tužiocu će se dodijeliti određeni broj bodova, kako slijedi:

- | | | | |
|----|-----------|-------------------|------------|
| a) | do 50% | realizacije plana | 0 bodova; |
| b) | 51 – 65% | realizacije plana | 2 boda; |
| c) | 66 – 80% | realizacije plana | 4 boda; |
| d) | 81 – 90% | realizacije plana | 6 bodova; |
| e) | 91 – 95% | realizacije plana | 8 bodova; |
| f) | 96 – 100% | realizacije plana | 10 bodova. |

(4) Shodno stavu (1) tačka f) ovog člana a na osnovu broja predmeta u kojima je u periodu ocjenjivanja rok za rješavanje pritužbi neopravdano prekoračen prema stavu (5) i (6) ovog člana, glavnom tužiocu će se dodijeliti određeni broj bodova, kako slijedi:

- | | | | |
|----|----------|--|-----------|
| a) | preko 40 | predmeta u kojima je prekoračen rok za rješavanje pritužbi | 0 bodova; |
| b) | 31 – 40 | predmeta u kojima je prekoračen rok za rješavanje pritužbi | 1 bod; |
| c) | 21 – 30 | predmeta u kojima je prekoračen rok za | 2 boda; |

	rješavanje pritužbi	
d) 11 – 20	predmeta u kojima je prekoračen rok za rješavanje pritužbi	3 boda;
e) 1 – 10	predmeta u kojima je prekoračen rok za rješavanje pritužbi	4 boda;
f) 0	predmeta u kojima je prekoračen rok za rješavanje pritužbi	5 bodova.

(5) Blagovremeno riješenom pritužbom smatra se pritužba riješena u skladu sa odredbama važećih zakonskih propisa kojima su regulisani rokovi za rješavanje pritužbi ili odredbama podzakonskih propisa donesenim od strane nadležnog tužilaštva, a kojima su regulisani rokovi za rješavanje pritužbi.

(6) Ukoliko rokovi za rješavanje pritužbi nisu definisani važećim odredbama zakonskih ili podzakonskih propisa shodno stavu (5) ovog člana blagovremeno riješenom pritužbom u smislu kriterija za ocjenjivanje smatra se pritužba riješena u roku od 1 (jednog) mjeseca, a najduže u roku od 3 (tri) mjeseca nakon njenog prijema u tužilaštvo.

(7) Glavni tužilac će na obrascu koji propisuje VSTV BiH posebno navesti opravdane razloge za predmete u kojim su u toku perioda ocjenjivanja prekoračeni rokovi za rješavanje pritužbi predviđeni propisima iz stava (5) i (6) ovog člana.

POGLAVLJE IV – ELEMENTI OCJENE RADA GLAVNOG FEDERALNOG TUŽIOCA FEDERALNOG TUŽILAŠTVA FEDERACIJE BOSNE I HERCEGOVINE I GLAVNOG REPUBLIČKOG TUŽIOCA REPUBLIČKOG JAVNOG TUŽILAŠTVA REPUBLIKE SRPSKE

Član 21.

(Elementi ocjene rada)

(1) Elementi ocjene rada glavnog tužioca Federalnog tužilaštva Federacije Bosne i Hercegovine i glavnog tužioca Republičkog javnog tužilaštva Republike Srpske su:

- | | |
|---|---------------|
| a) vršenje nadzora nad okružnim javnim/kantonalnim tužilaštvima | do 35 bodova; |
| b) kolektivni radni rezultati Općeg odjela | do 15 bodova; |
| c) kolektivna orijentaciona norma Posebnog odjela | do 5 bodova; |
| d) kolektivni kvalitet odluka Posebnog odjela | do 5 bodova; |
| e) rukovođenje radom Posebnog odjela | do 5 bodova; |
| f) vršenje nadzora nad blagovremenim rješavanjem pritužbi na odluke Posebnog odjela, pritužbi na odluke kantonalnih tužilaštva i prigovora na odluke okružnih javnih tužilaštva | do 5 bodova. |

(2) Bodovi po osnovu parametra iz stava (1) tačka a) ovog člana dodjeljuju se na osnovu analitičke ocjene općih i posebnih uputstava izdatih u okviru vršenja nadzora nad okružnim javnim/kantonalnim tužilaštvima. Analitička ocjena treba obuhvatiti uzroke i efekte provođenja izdatih uputstava.

(3) Bodovi po osnovu parametra iz stava (1) tačka b) ovog člana dodjeljuju se na osnovu evidencija iz člana 17. Pravilnika o orijentacionim mjerilima za rad tužilaca u tužilaštvima u Bosni i Hercegovini prema sljedećoj skali:

a)	ostvarena ažurnost odjela u iznosu do 50% zaduženih predmeta na kraju godine	0 bodova;
b)	ostvarena ažurnost odjela u iznosu od 51 – 60% zaduženih predmeta na kraju godine	3 bodova;
c)	ostvarena ažurnost odjela u iznosu od 61 – 70% zaduženih predmeta na kraju godine	6 bodova;
d)	ostvarena ažurnost odjela u iznosu od 71 – 80% zaduženih predmeta na kraju godine	9 bodova;
e)	ostvarena ažurnost odjela u iznosu od 81 – 90% zaduženih predmeta na kraju godine	11 bodova;
f)	ostvarena ažurnost odjela u iznosu od 91 – 94% zaduženih predmeta na kraju godine	13 bodova;
g)	ostvarena ažurnost odjela u iznosu od 95 – 100% završenih predmeta na kraju godine	15 bodova.

(4) Bodovi po osnovu parametara iz stava (1) tačka c) ovog člana dodjeljuju se u skladu s odredbama člana 15. i 16. ovih kriterija uz primjenu sljedećih bodovnih skala:

a)	do 50%	ostvarene kolektivne norme	0 bodova;
b)	51–60%	ostvarene kolektivne norme	1 bod;
c)	61–70%	ostvarene kolektivne norme	2 boda;
d)	71–80%	ostvarene kolektivne norme	3 boda;
e)	81–90%	ostvarene kolektivne norme	4 bodova;
f)	91 – 100%	ostvarene kolektivne norme	4,5 bodova;
g)	više od 100%	ostvarene kolektivne norme	5 bodova.

(5) Bodovi po osnovu parametara iz stava (1) tačka d) ovog člana dodjeljuju se u skladu s odredbama člana 16–19. ovih kriterija uz primjenu sljedećih bodovnih skala:

I. Ocjena ostvarenog kolektivnog kvaliteta optužnica:

a)	preko 10%	nepotvrđenih optužnica, te neprihvaćenih prijedloga	ukupnog broja	0 bodova;
b)	od 6,01 do 10%	nepotvrđenih optužnica, te neprihvaćenih prijedloga	ukupnog broja	2 boda;
c)	od 3,01 do 6%	nepotvrđenih optužnica, te neprihvaćenih prijedloga	ukupnog broja	3 boda;
d)	od 0,01 do 3%	nepotvrđenih optužnica, te neprihvaćenih prijedloga	ukupnog broja	4 boda;
e)	0%	nepotvrđenih optužnica, te neprihvaćenih prijedloga	ukupnog broja	5 bodova.

II. Ocjena ostvarenog kolektivnog kvaliteta naredbi o neprovođenju i obustavi istraga:

a)	preko 10%	uvaženih pritužbi od ukupnog broja naredbi	0 bodova;
b)	od 7,51 do 10%	uvaženih pritužbi od ukupnog broja naredbi	2 boda;
c)	od 5,01 do 7,50%	uvaženih pritužbi od ukupnog broja naredbi	3 boda;

- | | | | |
|----|---------------|--|-----------|
| d) | od 2,51 do 5% | uvažених притужби од укупног броја наредби | 4 boda; |
| e) | od 0 do 2,50% | uvažених притужби од укупног броја наредби | 5 bodova. |

III. Ocjena ostvarenog kolektivnog kvaliteta naredbi o neprovođenju i obustavi istraga u predmetima privrednog kriminala, organiziranog kriminala, korupcije i ratnih zločina:

- | | | | |
|----|-----------------|--|-----------|
| a) | preko 20% | uvažених притужби од укупног броја наредби | 0 bodova; |
| b) | od 10,01 do 20% | uvažених притужби од укупног броја наредби | 2 boda; |
| c) | od 6,01 do 10% | uvažених притужби од укупног броја наредби | 3 boda; |
| d) | od 3,01 do 6% | uvažених притужби од укупног броја наредби | 4 boda; |
| e) | do 3% | uvažених притужби од укупног броја наредби | 5 bodova. |

(6) U broj naredbi tužioca o neprovođenju istrage i naredbi o obustavi istrage ne ubrajaju se naredbe koje tužioc donesu u KTN predmetima (predmeti konkretnog krivičnog djela s nepoznatim počiniocem iz oblasti općeg kriminala).

(7) Kolektivni kvalitet naredbi o neprovođenju i obustavi istraga iz stava (5) ovog člana, tačka II. i III. ocjenjuje se na osnovu ukupnog broja ovih odluka koje su donijete u ocjenjivanom periodu i ukupnog broja konačnih rješenja o uvažavanju pritužbi na ove naredbe koja glavni tužilac donese u ocjenjivanom period. Konačnim rješenjem o uvažavanju pritužbi smatraju se rješenja o uvažavanju pritužbi koje je donio glavni tužilac Federalnog tužilaštva Federacije Bosne i Hercegovine i Republičkog javnog tužilaštva Republike Srpske.

(8) Bodovi po osnovu parametra iz stava (1) tačka e) ovog člana dodjeljuju se na osnovu evidencija iz člana 20. stav (1) tačka a) – e) ovih kriterija.

(9) Shodno stavu (1) tačka f) ovog člana a na osnovu broja predmeta u kojima je u periodu ocjenjivanja rok za rješavanje pritužbi neopravdano prekoračen prema stavu (10) ovog člana, glavnom tužiocu će se dodijeliti određeni broj bodova, kako slijedi:

- | | | | |
|----|----------|--|-----------|
| a) | preko 40 | predmeta u kojima je prekoračen rok za rješavanje pritužbi | 0 bodova; |
| b) | 31 – 40 | predmeta u kojima je prekoračen rok za rješavanje pritužbi | 1 bod; |
| c) | 21 – 30 | predmeta u kojima je prekoračen rok za rješavanje pritužbi | 2 boda; |
| d) | 11 – 20 | predmeta u kojima je prekoračen rok za rješavanje pritužbi | 3 boda; |
| e) | 1 – 10 | predmeta u kojima je prekoračen rok za rješavanje pritužbi | 4 boda; |
| f) | 0 | predmeta u kojima je prekoračen rok za rješavanje pritužbi | 5 bodova. |

(10) Blagovremeno riješenom pritužbom, u smislu stava (1) tačka f) ovog člana, se smatra pritužba riješena u roku definisanom članom 46b. Zakonom o krivičnom postupku Republike Srpske i tačkom 17. i 18. Obaveznog uputstva Federalnog tužilaštva Federacije BiH o postupku rješavanja pritužbi na naredbe o neprovođenju istrage, naredbe o obustavi istrage, kao i pritužbi zbog neefikasnog i/ili nezakonitog rada tužilaca u krivičnim predmetima.

(11) Odredbe stavova (9) i (10) iz ovog člana se primjenjuju i na rješavanje po prigovorima izjavljenim na odluke okružnih javnih tužilaštva.

(12) Glavni tužilac će na obrascu koji propisuje VSTV BiH posebno navesti opravdane razloge za predmete u kojim su u toku perioda ocjenjivanja prekoračeni rokovi za rješavanje pritužbi/prigovora predviđeni propisima iz stava (10) ovog člana.

POGLAVLJE V – UTVRĐIVANJE OCJENE RADA

Član 22. (Utvrdjivanje ocjene rada)

(1) Ocjena rada glavnog tužioca formira se na osnovu zbira ocjena po pojedinačnim elementima ocjenjivanja, kako slijedi:

- | | |
|-------------------|---|
| a) 0 – 35 bodova | nezadovoljavajuće obavlja funkciju glavnog tužioca; |
| b) 36 – 45 bodova | zadovoljavajuće obavlja funkciju glavnog tužioca; |
| c) 46 – 55 bodova | dobro obavlja funkciju glavnog tužioca; |
| d) 56 – 65 bodova | uspješno obavlja funkciju glavnog tužioca; |
| e) 66 – 70 bodova | izuzetno uspješno obavlja funkciju glavnog tužioca. |

(2) Ocjena rada glavnog tužioca Federalnog tužilaštva Federacije Bosne i Hercegovine do početka rada Posebnog odjela se formira na osnovu zbira bodova po elementima za ocjenjivanje rada iz člana 21. stava (1) tačke a), b) i f) kako slijedi:

- | | |
|-------------------|---|
| a) 0 – 27 bodova | nezadovoljavajuće obavlja funkciju glavnog tužioca; |
| b) 28 – 35 bodova | zadovoljavajuće obavlja funkciju glavnog tužioca; |
| c) 36 – 43 boda | dobro obavlja funkciju glavnog tužioca; |
| d) 44 – 51 bod | uspješno obavlja funkciju glavnog tužioca; |
| e) 52 – 55 bodova | izuzetno uspješno obavlja funkciju glavnog tužioca. |

Član 23. (Postupak ocjenjivanja rada)

Sadržaj obrazaca za ocjenu rada, postupak ocjenjivanja, podnošenje prigovora na ocjenu rada i odlučivanje po prigovoru na ocjenu rada uredit će se posebnim propisima koje donosi VSTV BiH.

POGLAVLJE VI – PRELAZNE I ZAVRŠNE ODREDBE

Član 24. (Obavezujuća tumačenja)

VSTV BiH daje tumačenja u pogledu pitanja koja se odnose na primjenu ovih kriterija.

Član 25. (Prestanak važenja)

Kriteriji za ocjenjivanje rada glavnog tužioca Tužilaštva Bosne i Hercegovine, Federalnog tužilaštva Federacije Bosne i Hercegovine, Republičkog javnog tužilaštva Republike Srpske i Tužilaštva Brčko Distrikta Bosne i Hercegovine („Službeni glasnik BiH, broj: 85/22“) prestat će važiti nakon što se okonča postupak ocjenjivanja rada za 2024. godinu.

Član 26. (Stupanje na snagu)

(1) Kriteriji stupaju na snagu danom njihovog objavljivanja u „Službenom glasniku BiH“, a primjenjivat će se počev od 01.01.2025. godine.

(2) Obrasci koji su predviđeni ovim kriterijima bit će objavljeni na internet portalu VSTV BiH.

Broj: 06-09-1-4464-3/2024

Sarajevo, 18.12.2024. godine

